

誠齋集

一三

誠齋集
卷之三
唐

誠齋集卷第五十三

廬陵楊

萬里

廷秀

啓

新除廣東提舉謝丞相啓

帝賚璽書從天而下恩頒玉節遵海而南䟽榮祗
荷於九重密啓端由於一相頓首幸甚自視猷然
伏念某無挾而迂何恃而進入陪鵷鷺徒竊食於
太官出珎珪符魏奉法之循吏亦千慮之既竭曾
萬分之何裨乃眷延陵今為甸服民惟旣庶事亦
滋豐善政之得民財安知錢穀源流之虞飾厨而

稱使客長在齒舌風波之中曾治行之蔑如問戌
期而近止屬緣盡室之番病重以慈親之懷亟控
于秉均請從置散天高日遠將何地以叫閭雷厲
風飛不崇朝而出縛釋茲治劇詭以觀風衣繡而
飯故鄉庭闈離喜出關而稱使者道路光華非播
物之無垠寧始願之及此茲蓋伏遇某官學潛三
極忠貫兩儀江漢炳靈豈相如子雲之足數天地
交泰蓋繁岩釣渭之後生旁招群材緝熙萬務翦
焉孤陋遐不數遺某敢不飲冰在躬嚙雪屬操要
令五嶺萬里之外周瘵其蘇如在二陝三輔之間

詔條無壅過此以往未知所裁

定羅氏親啓

百歲論交久忘年於鄰曲兩家生子復託契於婚
姻夫何聲氣之相求蓋緣草木之同味某人令弟
某人弟二小娘子幼而自異已傳柳絮之吟而某
姪子某弟四子某生未有知殊媿蘭芳茁惟是斯
金之舊願言倚玉之新發幣非然別牋敬止

荅羅氏定親啓

兩家居五里之間相聞雞犬一日結再世之好如
鼓瑟琴羔鴈交馳著龜習吉某人令弟某弟幾令

似娟好靜秀已如玉雪之可憐某姪子某長男某
房下長女子婉婉聽從庶幾蘋藻之言未委幣甚
寵拜嘉有奉

廣東提舉到任謝趙丞相啓

假守延陵見謂催科之拙觀風南粵又叨禮樂之
華戴恩不貲圖報無所伏念某庸而自信愚且不
移幼癖於書欲策勲翰墨文章之錄長隨於牒亦
載贅功名事業之塗焉不進以柰何鳥倦飛而知
止頃邂逅於風雲之會欲奮發於鵬鷺之班方遇
事而直前已誤身而取敗一麾江海頗念求安三

輔浩穰更令治劇終夕五起二年百憂如漢詔厨
傳過客之勞長恐咎罵之不免若唐人燕寢凝香
之樂雖或夢寐而亦無荷播物之見恫未及瓜而
脫去駕言將母于邁還家黃獨無苗方絕歎木柄
長鏡之雪綠葉細雨政獨釣桃花流水之魚詢彼
乘輶之期尚在嗣歲之臘不堪留渴而須井忽焉
有命以自天奉使而為見大夫曾何待次露肘而
見聖天子仍免造朝曲為之私不謁而獲茲蓋伏
遇大丞相潛心貫一致主登三位極六符之泰階
容光必照身作萬間之廣厦寡士俱惟曾是羈孤

載霑化育某敢不潔已律下齋心勤民攬轡而思
澄清革嶺海姦貪之習褰帷而問風俗布朝廷寬
大之書過此以還罔知所措

賀葛正言啓

恭審籲俊著廷拾遺諫省古者所以責難於丕后
非舜不陳今代豈無敢言之正人如尊乃勇聞者
興起躍如欣驩恭惟某官議論通乎古今名實孚
於上下以星翻漢回之光采作新斯文以山高水
深之風流照映當世諏儒先於三館俾廷爭於四
聰方聖天子從諫如流之秋曷嘗罪夫言者惟諫

大夫憂國若渴之志可日無其時哉扶皇極於將
微護善類於既弱儻元氣無不實之處則外敵亦
何強之云即冠上坡用懌寰海某少而自好晚乃
早表誦鵠經雞檄之聯十年於此想龍章鳳姿之
偉一覲何從善頌惟深敷言未究

賀黃侍御啓

恭審皇咨上坡位事橫榻屬者進格君心之論九
重亦為之回天移而為糾官邪之司群枉自然而
見覲此非平日之素焉得崇朝之孚恭惟某官以
海內寡二之辭章收天下第一之科目彼於權門

炙手可熱之日竭蹶而趨及聞高賢掉臂不顧之
風其穎有泚逮公道之既白知寸心之獨丹廷爭
未幾臺端益峻士有攸挾恨無所施靖而觀流涕
太息之書孰不以古人而自詭起而當君子小人
之會其無負所學者幾希今聖主既求惟木之繩
在執事必為赴岳之水即疇孤立之操遂登獨坐
之崇某自分摧隕何辭漂泊瞻烏柏府晚乃依成
蔭之餘振鷺柳溝夢不到末行之旧不勝善頌未
究所宜

通問廣西漕梁次張寺丞啓

門李絳之同年早自附英游之下走與衛侯而偕
命晚乃分臨遣之末光誦玉臺春光飲別之詩覽
梅嶺夜半逃禪之句憶平生故人之驩若遣一丁
行李而候之恭惟某官議論諸老之先人物千歲
之上懷連城而佩明月至寶不凋餐秋菊而紉春
蘭清暉自遠蓋貯之以玉堂而未快乃斂之以金
節而斯何善類憮然遠民幸甚持使者之繡斧已
聳搖山之風織天孫之錦裳即煩揮翰之手某童
而怪怪老矣休休誦北山之移文長慙夜鶴之見
怨登東臯而舒嘯自憐倦鳥而猶飛

回向梧州開叔啓

仰止薌林之喬木今秀一枝靄然蒼梧之暮雲隨
來雙鯉呼長鬚而近止搔短髮而問焉恭惟某官
文雅追乎前脩聲光起乎當代肯先正以名相之
勲德若引星辰惟執事有故家之典刑如生蘭玉
尚屈雲天之翼小留江海之麾旣治行之上聞即
召青之旋至某夙聞高誼幸通寶鄰每從事諸公
之間皆劇談盛名之下觀鸞飄鳳泊之古隸長想
其人得目光玉潔之環詞似見其面報章不腆善
頌何究

賀周子元參政啓

恭審疇咨儒英參秉機政欲治者無多術不過用
天下正人之宗選衆而得我公豈復有國人遺恨
之處善類訢合隆平紹開恭惟某官道函三之原
文傳襲六之統湛然厚德宏度之疑遠孰知有百
鍊之至剛萃乎孤忠直節之高寒中乃備四時之
和氣當衆正綴旒之日倚一賢砥柱之功於今延
登或謂臯綏抑嘗歷選於賢聖未始輕試於進爲
顧其道顯晦之如何豈其身淹速之是計故莘渭
布衣而陟三事莫之或誹若夷夔終身而效一官

則又誰慙季世寢薄古風不敏至於一游說之間
便萌取卿相之意豈有平日不為當世之所許乃
欲任人之事摧彼其初心惟以無位而為憂不思
既得之愧怍今執事致身於台斗而曠懷寄夢於
江湖半生兩禁之裴回五載六官之濡滯逮其望
磅礴鬱積而極其盛維岳峻天舉斯民咨嗟嘆息
息而屈其淹如防制水上心雪釋渙号雷行酌彼
公言置諸近弼然後談者罔不翕如喜哉吾道之
亨曷曰歲時之晚即奮熙於端揆用稿飲於群心
某老矣倦飛已焉榮望蓋伏櫪久忘於千里獨巢

林尚戀於一枝曩者或人之得醢乞諸鄰而後獲
繼今為母而請粟與之金以何難此其欣之獨
私豈與悠々者為比不勝贊喜罔究誦云

答吉水知縣蕭擇可啓

屬者鴈行得從大阮竹林之勝暇而燕語每傳小
謝春草之吟想其賢固一世之未多問其室乃兩
州之孔通帝遣就子男之國公聿來父母之邦亦
嘗一再以致書忽貽四六之妙斲咀華蔚若拜賜
躍如恭惟某官以槐庭八葉之英取桂林一枝之
秀粹乎名章俊語之藻維玉及瑤投之盤根錯節

之間非斤則斧欲便潘輿之奉聊從茂宰之除側
聽魯山蒞于之歌足追武城莞爾之喜即表章於
尤異遂翔集於禁嚴某倦游落南夢寐還舍今創
見忠信慈惠之明府照臨故鄉獨莫隨耕耒隴畝
之野人鼓舞佳政其為欣賀未究播敷

賀王僑卿運使啓

恭審消選休成佩服印組饒餽不絕已聞水鮮漕
下之稱父老縱觀皆有雪釋水順之意建臺肇允
成厦載欣恭惟某官探道極先立言覺後雖及往
牛解閣十九年而若新然地負海涵容數百人而

何止頃以丞相司直之重俯誠中丞平準之書今
從臬司即拜計相仰南斗文星之緯已三徙於芒
寒待北天玉几之尊竊一起而直入某既仁在宇
遠跡序賓靖言代匠之承豈云託契之淺々哦
豫章小阜之句願相倚於平生視宣子嘉木之陰
顧敢忘於封殖善頌九折數言万分

荅廣西梁漕啓

奉使無狀茂聞中率之稱有命自天更詭爰書之
寄繫欲宣朝廷去殺之德意抑亦吝知旧吹生之
惠心真毀凡以言功類暴虎而好雨恠昵而已摧

謝惕然敬惟年丈博哉之仁輔以聖賢淵乎之學
言漢九事而八為偉邁主父之明謨知秦十失而
一尚存有溫舒之鯁論推向來作為諸老之對為
今日責善朋友之書舉惠文而相規諸事斯語問
刑鼎而宜答其敢飾非佩服于心條陳莫狀

除直秘閣謝宰相啓

廓祥聖室未平風樹之悲寓直石渠忽被絲綸之
渥控辭不獲震觀載深伏念某丘園搗人書策漫
仕其出也馬不進而非後其處也鳥倦飛而知還
頃將繡指以落南偶殄綠林而逐北上焉天威廟